

TAULARA

MIKROANTZERKI LEHIAKETA

1.- SARRERA

Oihaneder Euskararen Etxearen helburu nagusien artean euskarazko kultura sormena suspertzea dago. Xede horrekin **sortzaileei** egitasmo eta jarduera ezberdinak eskaintzen dizkie eta testuinguru honetan kokatu behar da Taulara.

Egitasmo honek formatu txikiko antzerki lan laburrei plaza berri bat eskaini nahi die. Egitasmoa bi faseetan zatituta dago

Taularan **guztira 2.300 €** banatuko dira **4 saritan**. **Epaimahaiak 600 €ko 3 sari** egotziko ditu eta horrez gain **publikoaren saria** egongo da (**500 €**).

Dokumentu honetan deialdirako oinarriak zehazten dira, eta **komenigarria da arretaz irakurtzea**.

Taulara deialdira proiektuak aurkezten direnean oinarri horiek onartzen direla ulertuko da.

2.- NORI ZUZENDUTA DAGO?

Deialdia **Euskal Herriko antzerki munduko sortzaileei, aktoreei eta taldeei** zuzenduta dago.

3.- HELBURUAK

Egitasmo honen **helburu nagusiak** hurrengo hauek dira:

- ✘ **Antzerki munduko norbanakoei eta taldeei antzezlan laburrak garatzeko aukerak eskaintzea**
- ✘ **Euskal Herriko euskarazko antzezlan laburren sormena suspertzea**

Helburu horiek ez ezik garrantzi handia duten beste helburu batzuk ere kontuan hartzen ditu egitasmo honek:

- ✘ **Arabako biztanleei kultur produktuak eskaintzea eta eskuragai jartzea**
- ✘ **Publikoari bozketa bitartez parte-hartzeko aukera eman**

4.- ANTZEZLAN MOTAK

Deialdi honen baitan **formatu txikiko antzezlanak eta bakarrizketak** kontuan hartu eta baloratuko dira.

5.- EGITASMOA eta EPEAK

Egitasmo honen baitan bi fase ezberdintzen dira:

1. Deialdia

- I. **Lanketa:** epea **martxoaren 26an hasi eta maiatzaren 3ko** eguerdiko **12:00**etan proposamenak jasotzeko epea amaituko da. Guztira 5 aste. Hortik aurrera ez da proposamenik onartuko.

Nola aurkeztu proposamen bat?

Proposamenak aurkezteko nahikoa izango da antzezlanaren gidoia edo bideoa oihaneder@oihaneder.eus helbidera bidaltzea.

Zein baldintza bete behar ditu antzezlanak?

- ✓ Formatu txikiko antzezlanak izan behar dira eta ez dute atrezzo handirik behar.
- ✓ Lanak **euskara** hutsean izan behar dira.
- ✓ **Gutxienez 15 minutuko** iraupena izan behar dute eta gehienez **20 minutu**.
- ✓ Antzezlanak **2019. urteko urtarrilaren 1etik** aurrera sortuak egon behar dira. Ez da data horretatik aurreragoko lanik onartuko.
- ✓ Deialdi honetarako propio sortutako lanak lehenetsiko dira.
- ✓ **Lana jatorrizkoa** izatea. Beste lanen batetik egindako itzulpenak edo moldaketak ez dira jatorrizkotzat joko.

II. **Aukeraketa:** Behin proposamenak jasotzeko epea amaitzen denean, proiektuak ondorengo irizpide eta prozeduren arabera ebaluatuko dira:

- ✓ Epaimahaiak kontuan hartuko du **lanaren kalitatea** eta **antzezgarritasuna** (50 puntu)
- ✓ Egitasmo honetarako **propio sortutako** lana izatea (20 puntu)
- ✓ **Genero ikuspegia eta emakumeen presentzia** (20 puntu)
- ✓ **Gazteen presentzia: 35 urte beherako gazteen** presentzia (10 puntu)

Irizpide horiek jarraituz, lanak ebaluatu eta hautatuko ditu **epaimahai** batek. Epaimahaiak **astebeteko epea** izango du proiektuen aukeraketa egiteko. **3 proiektu** aukeratuko dira. Horietako bat gutxienez **Arabakoa** izango da.

2.- Saioa

Maiatzaren 10etik hasita, **5 asteko** epea izango dute antzezlanak aurkezpen saiorako prestatzeko. **Ekainaren bigarren hamabostaldian Oihaneder Euskararen Etxean** 3 antzezlan irabazleen **aurkezpen publikoa** programatuko da. Ekainean COVID-19ak eragindako egoeraren arabera, saioak eraikinaren hiru gune ezberdinetan edo gune bakar batean egitea aztertuko da.

Garai horretan ziur asko aretoen edukiera murriztuta egongo denez, antolatzaileak **bi pase** egitea erabaki dezake. Horrela, publiko gehiagora iristeko aukera egongo litzateke. Honek ez luke baldintzetan aldaketarik ekarriko.

Publikoak gustuko duen antzezlanak bozkatuko du. **Bozka gehien** lortzen duen antzezlanak **publikoaren saria** jasoko du. Ekimen honen bitartez publikoaren parte-hartzea bultzatu nahi da.

6.- PARTE HARTZEKO BALDINTZAK

Deialdian parte hartzeko **baldintza** hauek bete beharko dira:

- ✓ Parte-hartzaileek **18 urte** beteta izatea
- ✓ **Antzerki munduko sortzaile, aktore edo taldea** izatea

7.- EGITASMOAREN DIRU-POLTSA

Taulara egitasmoan **guztira 2.300 €** banatuko dira **4 saritan**. **Epaimahaiak 600 €ko 3 sari** egotziko ditu. Bestalde, **publikoaren saria 500 €koa** izango da.

8.- ORDAINKETA MODUA

Ordainketa aurkezpen publikoaren ondoren egingo da.

9.- XEDAPEN OROKORRAK eta KLAUSULAK

Ziurtzat jotzen da aurkeztutako proiektuaren egilea eta titulartasuna bermatuta daudela, eta ez direla urratu beste inoren obraren jabetza intelektualaren eskubideak.

Saritutako lanak ondoren beste leku batzuetan antzeztuko balira, publizitaterako euskarri grafiko eta ikus-entzunezko guztietan sari hau jaso duela aipatu beharko da.

10.- INFORMAZIO GEHIAGO ETA HARREMANA

Egitasmoaren, buruzko informazio gehiago eskuratzeko, eta Taulara egitasmoaren gaineko beste argitasun eta kontu praktiko batzuk lortzeko, gurekin jar zaitezke harremanetan:

- Oihaneder Euskararen Etxea: oihaneder@oihaneder.eus / 615 986 832